

典禮備考卷八

萬縣志局敬鐫

會典

祭

品官家祭禮

品官家祭之禮於居室之東立家廟一品至三品官廟五間中三間爲堂左右各一間隔以牆北爲夾室南爲房堂南檐三門房南檐各一門階五級庭東西廡各三間東藏遺衣服西藏祭器庭繚以垣南爲中門又南爲外門左右各設側門四品至七品官廟三

典禮備考

卷八

祭

一

間中爲堂左右爲夾室爲房階三級東西廡各一間餘制與三品以上同世爵公侯伯子視一品男以下按品爲差等八九品

廟三間中廣左右狹階一級堂及垣皆一門庭無廡以篋分藏遺衣物祭器陳於東西房餘與七品以上

同在籍進士舉人視七品恩拔副歲貢生視九品堂後楣北設四室奉高曾

祖禰四世皆昭左穆右妣以適配南向高祖以上親盡則祧由昭祧者藏主於東夾室由穆祧者藏主於西夾室遷室祔廟均依昭穆之次東序西序爲祔位伯叔祖之成人無後者伯叔父之成人無後及其長

殤

至十六歲

者兄弟成人無後及其長殤中殤

至十二歲

者妻先歿者子姪成人無後及其長殤中殤下殤

九歲

一至十

者皆以版按行輩墨書男統於東女統於西東

西向歲以春夏秋冬仲月擇吉致祭戒子弟讀祝一

人贊禮一人執爵每案二人分薦祔位東西各一人

凡在廟所出子孫年及冠以上者皆會行禮

右廟制祭期

先祭三日主人及在事者咸致齋前一日主人率子

弟盛服入廟視潔除拂拭畢執事者於各室前設几

典禮備考

卷八

祭

二

几前供案堂南總香案一鑪槃具祔位東西各統設

一案設祝案於香案之西設奠爵案於東序設盥槃

於東階上視割牲一品至三品官羊一豕一四品至

七品特豕八品以下豚肩不特殺視滌祭器三品以

上每案俎二鉶二敦二籩六豆六七品以上籩四豆

四八品以下籩二豆二皆俎

鉶敦數同

代槃以時用
梔者聽

辦祭器之實俎實牲體鉶實羹敦實飯籩實時果餅

餌魚腊獸腊之屬豆實炙載時蔬之屬

右致齋具牲饌

屆日五鼓主人朝服與祭執事者盛服入廟主人蒞於東階下族姓蒞庭東西以昭穆世次爲序執事者陳鑪鐙於供案南陳尊爵於東序案代以壺陳祭文於祝案實水於盥槃加巾主婦率諸婦盛服入詣爨所視烹飪羹定入於東房治籩豆之實陳鉶敦匕箸醯醬以俟質明子弟之長者盥詣各室前跪一叩興啓室奉主以次設於几昭位考右妣左穆位考左妣右分薦者設東西祔位畢贊禮立堂東檐下西面諸執事分立東西序端相向贊就位主人升自東階盥

典禮備考

卷八

祭

三

詣中檐拜位立族姓行尊者立於東西階上卑者立於階下皆重行北面贊參神主人入堂左門詣香案前跪執事二人司爵者充一奉香槃一挹尊酌酒詣主人左右跪左進香主人三上香右進爵主人酌酒於地以爵奠於案興退出右門復拜位及族姓行一跪三叩禮贊初獻主婦率諸婦出於房薦七箸醯醬於几前案北跪一叩興徧及祔位退入於房庖人解牲體實於俎執事者奉以升各薦於供案主人詣高祖考案前執爵者奉爵主人獻爵奠於正中跪叩興以次

詣曾祖祖禰案前獻爵如前儀分薦者徧獻祔位酒
訖退立於拜位贊讀祭文主人跪族姓皆跪祝詣祝
案之左跪讀祭文曰維某年月日孝孫某謹告於某
考某官府君某妣某氏之靈曰氣序流易時維仲春
冬追感歲時不勝永慕謹以潔牲庶品粢盛醴齊敬
薦歲時以某親某氏等祔食尙饗讀訖興以祭文復
於案退主人以下一叩興贊亞獻庖人納羹飯於東
房主婦率諸婦和羹實於鉶實飯於敦出薦於案及
腊肉炙馘徧跪叩興退如初禮主人獻爵於各位之

典禮備考

卷八

祭

四

左贊三獻主婦率諸婦出於房薦餅餌果蔬叩退主
人獻爵於各位之右分薦者徧獻祔位酒均如初獻
儀贊受嘏祝取高祖供案酒饌降至香案旁主人詣
香案前跪祝代祖考致嘏於主人主人啐酒嘗食反
器於祝接以興主人一叩興復位贊送神主人以下
一跪三叩贊望燎祝取祭文由中門出送燎主人退
避東階下行輩長者咸降階主人詣燎位視燎畢與
祭者出主人率子弟納神主上香行禮徹祭器傳於
燕器潔滌謹藏之闔門各退

右祭儀

日中乃餽三品以上時祭徧舉四品至七品春秋二舉八品九品春一舉庖人熱酒饌僕人布餽席於堂東西北上陳醢醬於席四隅棧楪匙箸之屬皆辦與祭者尊卑咸在從曾祖諸父居東第一席從祖諸父居西第一席諸父次東一席諸昆弟次西一席諸子諸孫在東西之末各一席序定主人肅尊者入席從曾祖諸父卽席從祖諸父東向尊者肅揖就位諸父東向揖西向揖就位諸昆弟揖如之復揖諸父就位

典禮備考

卷八

祭

五

諸子揖如諸父復揖諸昆弟諸孫揖如諸子復揖諸子皆就位主人離席僕執壺實酒從主人酌諸尊長酒每酌一人肅揖尊長答揖徧就位子弟之長者離席僕人執壺從敬酌主人諸子弟咸避席揖主人答揖復位主人命諸子弟徧酌酒席中少者舉壺各酌於其長者旣徧皆坐主人興舉酒請於尊長坐尊長乃嘗酒卒爵眾嘗酒卒爵僕人進食主人興請於尊長坐尊長舉箸嘗食乃皆食每進食子孫閒行酒三巡長幼獻酬交錯飲無算爵湯飯畢長者起主人請

留長者告飽遂離席諸子弟咸隨離席以次出主人送長者於門外入命徹席餽庖人僕人皆盡

右餽

焚黃告祭之禮

制書至主人以黃紙恭謄一通奉於廳事正中諏吉日擇同姓或戚屬已仕者一人宣

制戒子弟引贊二人通贊二人徧戒族姓屆期會行禮前一日齋戒備告文祝文牲饌視新贈之爵爲等至日

夙興灑掃堂宇供張設饌案

以追贈所及世數爲準

香案枹枷

典禮備考

卷八

祭

六

如儀設改題神主案於堂東西向使人速宣制者王人朝服率子弟盛服入廟諸與祭者皆會主人詣贈主室前啟室焚香跪子弟一人奉告文跪於主人之左讀告文辭曰維某年月日孝子某或稱孫謹告於某考某官府君某妣某封某氏之靈曰某幸得列於位恭逢

恩命

贈及先人敬請神主祇受

制書改題奉祀謹告讀訖興主人叩興奉考主子弟奉妣

主及族姓出廟門俟於道左宣 制者奉

制書前引二人導行至廟眾跪接

制書入中門升中階南向立眾皆隨入至階下序立主人

奉考主在東子弟奉妣主在西族姓重行立其後皆

北面通贊分立東西柱前贊宣

制主人以下皆跪聽宣

制畢奉主行三跪九叩禮眾隨行禮宣 制官以

制書供香案枷上主人奉主置改題案上揖勞宣 制者

宣 制者答揖復揖辭降自西階主人從至廟大門

典禮備考

卷八

祭

七

外揖送入改題神主爵位訖奉主復位序立參神讀

祝三獻酒如時祭之儀祝辭曰維某年月日孝子某

謹告於顯考某府君顯妣某氏之靈曰某恭承庭訓

列位於

朝仰荷

皇仁推恩所生贈考爲某銜妣爲某銜感念先澤祿弗逮

養茲以焚黃謹備牲醴用伸薦告尙饗祭畢焚黃竝

祝文奉主復於室闔室出主人以下皆退頌胙於宣

制者餽族姓如儀

右焚黃告祭

歲逢令節薦新物一二三品官每案時果四庶羞四羹飯具四品至七品官每案時果二庶羞四八品九品官每案時果庶羞各二餘同是日夙興主婦潔辦果饌主人盛服率族姓子弟入廟然燈灑掃設案室前訖盥洗啓室子弟分陳匙箸壺瓊之屬於案北主人序立於香案前族姓以序列於主人之後主人跪焚香訖叩興子弟奉果羞從主人詣高祖考妣位前薦果薦羞畢子弟舉壺取瓊酌酒進於主人主人

典禮備考

卷八

祭

八

奠酒訖子弟復奉羹飯從主人薦羹飯訖以次詣各案薦奠如前儀退至香案前率族姓子弟一跪三叩興子弟徹饌主人闔室皆退

右時節薦新

月朔望日主人豫備茶食之屬每案二器主人夙興盥洗盛服率族姓子弟入廟灑掃潔神案啓室序位於香案前主人跪焚香訖叩興子弟奉茶食從主人詣各神案前以次供食供茶畢退復位率族姓子弟行禮如時薦之儀徹主人闔室皆退

右朔望獻茶

庶士家祭禮

庶士

貢監生員有頂帶者

家祭之禮於寢室之北爲龕以版別

爲四室奉高曾祖禰皆以妣配位如前儀南向前設香案總一服親男女成人無後者按輩行書紙位祔食男東女西相向事至則陳已事焚之不立版歲以春夏秋冬節日出主而薦粢盛二槃肉食果蔬之屬四器羹二飯二前期主人及與祭者咸齋戒薦之前夕主婦盛服治饌於房中厥明夙興主人吉服率子

典禮備考

卷八

祭

九

弟設香案於南然燭置祭文堂北設供案二昭東穆西均以妣配位均南向設祔案於兩序下各一男一女西東西向主人以下盥奉木主設於案設祔位於兩序案訖主人東階下立眾各依行輩東西序立主人詣香案前上香畢率在位者一跪三叩興主婦率諸婦出房中薦匕箸醢醬跪叩如儀退子弟奉壺主人詣神案以次斟酒薦熟訖皆就案南跪叩興子弟薦祔位畢主人跪在位者皆跪祝進至香案之右讀

祭文

辭見二品官祭禮潔牲二字餘同

訖興退主人以下叩興再獻

主婦薦羹飯三獻主婦薦餌餅時蔬主人斟酒跪叩均如初儀畢主人率族姓一跪三叩興祝取祭文及祔食紙位焚於庭眾出主人納木主徹退日中而餽春一舉布席於堂東西北上陳椅棧匙箸如其人數傳祭食於燕器熱酒饌族姓至主人肅入序位以行輩年齒爲等旅揖卽席進酒饌酬酢如禮湯飯畢長者離席告退主人送於門外諸子弟皆隨以出徹僕人餽餘食皆盡月朔望日主人及家眾夙興盥洗啓寢室然燭詣香案前依行輩序立主人上香訖子弟

典禮備考

卷八

祭

十

奉茶主人獻茶復位率眾一跪三叩興徹茶闔室眾退若家有吉事主人盥洗啟室然燭焚香以其事告行禮如朔望儀

庶人寢薦

庶人家祭之禮於正寢之北爲龕奉高曾祖禰神位歲逢節序薦果蔬新物每案不過四器羹飯具其日夙興主婦治饌主人率子弟設案然燈啓室奉神主於案上以昭穆序主人立於香案前家眾序立於主人下以行輩爲先後主人上香一跪三叩興主婦陳

匕箸醯醬薦羹飯果羞跪叩如儀主人酌酒進於各位前凡三次皆跪一叩興畢主人率眾一跪三叩興納主於室徹退日中眾餽神食歲一舉論行輩先後同行序齒列坐酒行飯已肅揖以退月朔望日供茶然香燈行禮告事亦如之均與庶士儀同